

Club da tennis Trun

Protocol dalla radunonza generala dils
25 da mars 2023 allas 20.00 uras el hotel Tödi



GLIESTA DA TRACTANDAS

1. Beinvegner ed appel
2. Elecziun da dus dumbravuschs
3. Protocol dalla radunonza generala dils 18 da mars 2022
4. Rapports annuals
 - a) president
 - b) meinaturnier e meinagiug
 - c) cau da juniors
5. Rendaquen
 - a) quen annual
 - b) rapport dils revisurs ed approbaziun dil quen
6. Elecziuns
 - a) president/a
 - b) actuar/a
 - c) meinaturnier e meinagiug
 - d) cau/a da juniors
 - e) revisur/a da quen
7. Honoraziuns
8. Obligaziuns
9. Mutaziuns
 - a) entradas
 - b) extradas
10. Fixaziuns dallas contribuziuns
 - a) annualas
 - b) affitaziuns dils plazz
11. Damondas da pagar anavos quotas da fatschenta
12. Orientaziun lotto
13. Program / termins 2023
14. Varia

Mars 2023

per la suprastanza
il president: Ramun Venzin

1. BEINVEGNI ED APPEL

Il president Ramun Venzin fa in cordial beinvegni alla radunonza generala che ha liug uonn el Caffè Tschut. In beinvegni special admetta el als commembers d'honor Albert Demont e Venanzi Nay. Per far appel han ins schau cursar ina gliesta da presenza. Silsunter vegn la gliesta da tractandas prelegida ed approbada unanimamein.

2. ELECZIUN DA DUS DUMBRAVUSCHS

Sco dumbraventuschs vegnan Cristina Derungs e Luis Caduff elegi.

3. PROTOCOL DALLA DAVOSA RADUNONZA GENERALA

Il protocol dalla davosa radunonza generala ei staus publicaus sin nossa pagina d'internet. Aschia ha mintgin giu la pusseivladad da leger quel. Demai ch'ei dat neginas damondas e neginas objecziuns per ampflicaziuns vegn il protocol approbaus unanimamein. Il president engrazia alla actuara per la redacziun dil protocol.

4. RAPPORTS ANNUALS

a) president

Preziadas commembras e commembers, puspei s'auda in onn al vargau ed jeu less cuort schar passar revue il passau.

Suenter 2 onns pausa muort Corona ha puspei il camp usitau el Tessin a Locarno giu liug. 8 dunnas e mo treis umens han fatg part da quei camp. Nus havein saviu guder 3 dis da dètg bial'aura, ualti frestg aber quei a fatg nuot als participonts(a)s els han gudiu quell'entschatta dalla sesiun cumpleinamein. A nossa organisatura Martina Nay in grond engraziamnet per quella eccellente organisaziun. Sco mintga onn havein nus fatg ils plazz l'entschatta avrel. Jeu less dacheu anora engraziar a tuts, giuven e vegl, che han segidau tier la preparaziun dils plazz. Al responsabel Urs Pfister in special engraziament ch'el surpren mintgamai il commando quei di.

Quei che pertucca il campinadi d'Interclub udis vus en detail el rapport da nies meinagiug e meinaturnier Simon, aschia che jeu mondel cheu buca en detail en quella caussa. Enzatgei less jeu tuttina menziunar en special, numnadamein l'equipa da damas 30+ che han en la promoziun contonschiu la ligia naziunala C. Quei ei ina gronda prestaziun ed jeu gratuleschel ad ellas e giavischel bien success per la proxima sesiun d'Interclub. In fatg che legra mei zun fetg ei era che nus savein puspei giugar cun 6 equipas d'Interclub. Sco ins vesa ein quei quelss e quellas che s'engaschan era per il beinstar da nies club ed aschia fetg impurtonts.

Quei che pertucca ils turniers digl onn vargau lessel jeu menziunar dus turniers, inagada il turnier da divertiment d'Anceinza ch'ei staus in cumplein success cun bunamein 40 participonts(a)s. Deplorablamein laian negins dils envidai carmalar d'entrar en nies club ni da

far part a nos cuors per carschi, in cuors che nus havein gnac saviu menar atras gl'onn vargau muort munconza d'annunzias. Quei ch'ei meins legreivel ei puspei il turnier dil club digl onn vargau, 4 umens e 7 damas han priu part a quel (2021: 17 giugadurs e giugaduras), e quei sa buca cuntentar la suprastanza. Cu ins ha 6 equipas d'Interclub sa quei buc esser che mo 11 giugadurs e giugaduras prenden part al turnier dil club. Ord quei motiv havein nus uonn priu anavon quei turnier sin ils 29 entochen ils 30 d'avrel. Quei cun la speranza che all'entschatta dalla sesiun seigien ils commembers/AS buca stuncntai dil dar tennis e hagien pli bia anim da dar tennis. Per quei supplicheschel da s'annunziar e da far part a quei turnier.

Dallas duas seras dil club che nus havevan prevediu vein nus deplorablamein saviu menar atras mo ina, la preschientscha ei stada cuntenteivla. L'entschatta fevrer havein nus organisau ina sera da trer rudialas, 14 commembers e commembras han priu part a quella occasiun e saviu guder silsunter la bein fadegiada tscheina da fondue en cuminonza. Legreivel ei stau che nus havein saviu suenter 2 onns puspei far nies usitau lotto. Sch'ins mira sin nies quen annual ei quel veramein impurtonts per nus, senza quel vegin nus buca da cuvierer nos cuosts annuals e quei sa buc esser en liunga vesta. Alla gruppa da lavur dil lotto sut la bitgetta dalla Silvana Guldimann less jeu dacheu anora engraziar grondamein per la gronda lavur ch'els han prestau, per il bien resultat finanziel che nus havein astgau recaltgar uonn. Pér cura ch'ins ei sez involvaus en quei gremium vesan ins tgei lavur che stat cheu davos tier.

Sco davos s'sauda ei a mi d'engraziar; engraziar less jeu al Venanzi ed alla Erna che miran che nossa infrastruttura seigi adina en in bien stan e quei fan els cun cumplein engaschi e perseveranza. Agl Aldo Peng ch'ei responsabels per nossa pagina d'Internet e mira che quella seigi adina sin il stan actual. A mes consuprastonts la Carmen Bearth, il Simon Decurtins ed il Simon Lechmann admittel in grond engraziament per il sustegn che jeu astgel guder dad els sco era per la buna lavur en favur da nies club. E sco davos engraziel era a vus preziai commembers e commembras per igl engaschi en favur da nies club e vossa preschientscha seigi quei cun dar Interclub ni cun vossa preschientscha allas occasiuns purschidas.

b) meinagiug e meinaturnier

La sesiun da tennis stat avon porta ed igl ei temps che nos plazs e la casa dil club vegnan puspei pinai per la sesiun da tennis. Nus havein fatg lavur cumina la fin d'jamna dils 8 ed ils 9 d'avrel. In grond engraziament a tut quels che han segidau.

Suenter in onn senza camp da tennis el Tessin havein nus puspei astgau guder in per bials dis sils plaz da tennis a Locarno. Quel ha giu liug ils 2 ed ils 3 d'avrel a Locarno. Da mia vart in grond engraziament alla Martina Nay per l'organisaziun dil camp da tennis.

Resumaziun sesiun d'Interclub 2022

Suenter duas sesiuns d'Interclub fatschentadas cun mesiras da COVID-19 ei la sesiun dad Interclub puspei vegnida menada atras tut normala uonn. Era uonn havein nus puspei giu quater equipas da damas e duas equipas dad umens.

Secunda ligia damas

Nossa equipa dallas giuvnas en secunda ligia han giu ina massa success e terminau il campinadi sin il tierz plaz da sis equipas. Per gest dus puncts han ellas muncantau igl emprem plaz ed ils giugs da promoziun.

Rangliste

RANG	TEAM	PT	SÄTZE
1	Pizol 1	23	50 - 16
2	Bodio	22	47 - 19
3	Trun	21	44 - 22
4	Ascona	13	27 - 37
5	Schaan	10	24 - 43
6	Sevelen	1	3 - 58

Emprema ligia damas 30+

Suenter bia onns cun massa success tier las activas ha la equipa dallas damas midau categoria. Danovamein han ellas dau ella categoria dallas damas 30+.

Era ella nova categoria han ei giu ina sesiun suverana. Inagada dapli han ellas contonschiu igl emprem plaz en lur gruppa. Igl emprem giug da promoziun han ellas gudignau claramein encunter la equipa da Zizers. Ed era ella secunda runda da promoziun han ellas schau neginas schanzas allas adversarias da Luzern. Cun la promoziun dalla equipa dallas damas 30+ ha il club da tennis Trun per la proxima sesiun puspei ina equipa ella ligia naziunala C. Cordiala gratulaziun tier quella prestaziun!

30+ 1L Damen - Gruppe 5

Resultate

RUNDE	DATUM	BEGEGNUNG	RESULTAT
1	07.05	St. Gallen - Ossingen	6:0
1	08.05	Waidberg ZH 2 - Trun	0:6
2	15.05	Ossingen - Trun	0:6
2	14.05	Waidberg ZH 2 - St. Gallen	1:5
3	22.05	Ossingen - Waidberg ZH 2	5:1
3	21.05	Trun - St. Gallen	3:3

Rangliste

RANG	TEAM	PT	SÄTZE
1	Trun	15	32 - 6
2	St. Gallen	14	28 - 13
3	Ossingen	5	12 - 27
4	Waidberg ZH 2	2	6 - 32

Aufstieg

RUNDE	DATUM	BEGEGNUNG	RESULTAT
4	12.06	Trun	- Zizers 6:0
5	19.06	Trun	- Luzern Lido 5:0

Tiarza ligia damas 30+

Las senioras giuvnas han giugau ina buna sesiun e han mo spiars encunter l'equipa da Caslano. Encunter tut las autras equipas han ellas mintgamai fatg in pari ed aschia fatg las tiarzas en lur gruppa.

Rangliste

RANG	TEAM	PT	SÄTZE
1	Domat/Ems	17	37 - 16
2	Caslano 1	15	31 - 21
3	Trun	11	25 - 29
4	Disentis	9	19 - 31
5	Preonzo	8	19 - 34

Tiarza ligia damas 40+

Las „senioras“ dil club demuossan medemamein ina buna prestaziun e termineschan il campinadi sin il tierz plaz. Era ellas han mo spiars la partida encunter l'equipa da Claustra. Encunter tut las autras equipas han ellas gudignau ni fatg in pari.

Rangliste

RANG	TEAM	PT	SÄTZE
1	Cureglia 1	18	36 - 16
2	Klosters	17	37 - 17
3	Trun	13	29 - 24
4	Flims	10	23 - 30
5	Grüsch	2	7 - 45

Umens 3. ligia

L'equipa dils umens ei segiramein ida cun bia ambiziuns ella sesiun e leva far il pass anavos en secunda ligia. Tochen il davos ha ei buca tunschiu diltut ed els han fatg tiarzs en lur gruppa. Tochen la davosa partida encunter Tavau han els giu la schanza da far emprems. Leu ha ei denton dau in clar resultat sil pupi ch'ei buca staus aschi clars. Els han spiars cun 8:1, sis da quels giugs han els spiars el tierz set, quater da quels sis giugs perfin el tie-break decisiv.

Rangliste

RANG	TEAM	PT	SÄTZE
1	Chur	30	66 - 35
2	Davos	29	63 - 44
3	Trun	26	61 - 48
4	Sedrun	21	47 - 52
5	Felsberg	17	45 - 60
6	Bonaduz	12	29 - 72

Secunda ligia umens 45+

Ils seniors han giu ina greva sesiun muort blessuras ni schliata fuorma da giugadurs da tschep. Els han denton puspei mussau ch'els s'audan cun raschun sin quei scalem ella secunda ligia. La squadra terminescha la grupp sin il quart rang ed ha aschia stuiu dar per la relegaziun. Ella emprema runda da relegaziun han els spiars cnap encunter l'equipa da Moesa. Aschia ha ei dau la partida decisiva encunter ils rivals da Danis-Tavanasa. Quella partida han ils da Trun gudignau cun il cnap resultat da 4:3 ed aschia tarmess l'equipa dils rivals en 3. ligia.

Rangliste

RANG	TEAM	PT	SÄTZE
1	Ilanz	18	37 - 8
2	Bonaduz	11	24 - 22
3	Pizol	7	18 - 30
4	Trun	6	13 - 32

Abstieg

RUNDE	DATUM	BEGEGNUNG	RESULTAT
4	16.06	Trun - Moesa	3:4
5	19.06	Club da tennis Danis-Tavanasa - Trun	3:4

Termins impurtants e sesiun d'Interclub 2023

La fin dalla sesiun ei mintgamai era l'entschatta dalla sesiun nova. Fin digl onn 2022 havein stuiu annunziar las equipas per la nova sesiun. Legrevlamein ein puspei tut las equipas dalla partida. La sesiun d'Interclub 2023 entscheiva la fin dalla jamna dils 6 ed ils 7 da matg 2023. Fetg legrevivel ei era ch'il camp da tennis vegn puspei ad haver liug a Locarno. Cun totalmein 18 annunzias ei la participaziun fetg gronda.

Seras dil club 2022

Igl onn 2022 ha la suprastanza decidu da menar atras duas seras dil club cun uustria e grilladas. L'emprema sera ei stada occupada nuota aschi mal, savess denton esser meglier. La secunda sera ha buca giu liug, quei muort la schliata aura.

Turnier da divertiment d'Anceinza 2022

Finalmein ha il турниr da divertiment puspei inaga giu liug. Ils 26 da matg 2022 (Anceinza) ha nies турниr da divertiment giu liug. Il турниr da divertiment ei stau per in e scadin. Mintga commember/a ha encuretgi in hosp sco partenari. Il турниr da divertiment 2022 ei stau in grond success. 19 pärlis han priu part al турниr da divertiment, quei ch'ei fetg cuntenteivel.

Rangaziun:

1. Luana Pally / Andrin Petschen
2. Dalibor Volic / Aldo Peng,
3. Renzo Albin / Simon Lechmann,
4. Livio Janka / Patrizio Decurtins

Cup Crestas 2022 / 8-10.07.2022

Era uonn havein nus astgau manar atras nies Cup Crestas. Vegniu giugau eis ei ellas suandontas categorias: umens R4/R9, umens R7/R9 e dubel-mix R1/R9. Cun total 19 participonts ellas categorias da singuls ed 11 equipas tiel dubel-mix, ha il meinaturnier saviu beneventar ina massa participontas e participonts. Tier tut las categorias eisi vegniu giugau ellas rundas preliminaras en gruppas. Silsuenter han ils miezfinals ed ils finals giu liug.

En quei connex less engraziar agl Erich Decurtins che ha gidau mei da menar atras il turnier durant la fin d'jamna. Cun aschia in agid dad in rutinau va tut pli sempel.

Categoria umens singul R4/R9

1. Kramer Sebastian (R5), 2. Linus Tschalèr (R4), 3. Kaveh Falamaki (R5), 4. Roger Vetsch (R5)

Categoria umens singul R7/R9

1. Simon Lechmann (R7), 2. Andrin Petschen (R7), 3. Dominic Maissen (R8), 4. Gieri Decurtins (R7)

Categoria dubel/mix

1. Simona Demont / Giusep Arpagaus, 2. Luana Pally / Yanick Pally, 3. Paula Nay / Gion Petschen, 4. Patrizia Desax-Fetz / Gion Desax

Turnier dil club 2022 / 14-15.08.2022

Igl onn 2022 ei il turnier dil club vegnius menaus atras en duas categorias. En tut han quater umens e siat damas priu part al turnier, quei ch'ei buca grad fetg stupent. Cunzun sch'ins patratga che quater equipas da femnas e duas equipas da umens prendan part al campinadi d'Interclub. Per il proxim onn eisi da schar dar el tgau enzatgei. Lein sperar sin ina megliera participaziun il proxim onn.

En quei connex lessel jeu engraziar al Venanzi Nay che ha menau atras il turnier durant l'entira fin d'jamna. Cun aschia in agid dad in rutinau va tut pli sempel.

Campiuessa dil club: Carmen Bearth-Albin gudogna encunter Tamara Derungs il final dallas damas

Campiun dil club: Simon Lechmann gudogna lur gruppa ed ei campiun dil club

Cup Puntegias 2022 / 19-21.08.2022

Cun 29 annunzias ei la participaziun stada cuntenteivla per il meinaturnier, vess denton saviu esser meglier. Eventuell ei il manco d'annunzias era da menar anavos sin ils campinadis grischuns, che han giu liug la medema fin d'jamna. Dus tableaux (categoria umens singul 35+ R4/R9 e categoria umens singul 35+ R7/R9) ein perfin vegni strihai muort las paucas annunzias.

Categoria damas R4 / R9

1. Carmen Bearth-Albin (R5), 2. Tamara Derungs (R6), 3. Tajana Pfister (R6), 4. Dania Petschen (R6)

Categoria damas 30+ R6 / R9

1. Carin Schmed-Friberg (R9), 2. Daniela Tenz (R6), 3. Irina De-Steffani (R6), 4. Silvia Balett (R9)

Categoria umens singul 55 plus R5 / R9

1. Richard Riedi (R5), 2. Claudio Friberg (R5), 3. Luca Billeter (R5), 4. Valentin Pally (R6)

Surselva dubel plausch

Quei turnier ha giu liug a Sedrun igl onn 2022.

Abdicaziun

Suenter 2 onns sco meinagiug e meinaturnier, ina massa onns sco cau da juniors e trenader da juniors seretilel jeu da miu uffeci. Miu successur ei gia semtgaus el bloc da partenza. Miu successur daventa Luis Caduff, che ha gia ina gronda rutina e survesta sur dil menaschai d'Interclub e turniers. Jeu supplicheschel ils capitans da dar ad el il medem sustegn sco quei ch'jeu haiel astgau guder.

En quei connex lessel jeu engraziar a vus per la fetg buna collaboraziun durant ils davos onns sco cau da juniors e meinagiug/meinaturnier e giavischar a miu successur tut bien en siu niev uffeci. In special engraziament a mes collegas dalla suprastanza per la super collaboraziun dils davos onns.

Per finir engraziel jeu a tut tgi che ha giugau in ni lauter da nos turniers, sco era a nossas equipas d'Interclub per il menaschi d'ustria ed als capitans per lur lavur durant la sesiun dad Interclub.

c) cau da juniors

Trenament

Entschiet ha la sesiun 2022 cun l'organisaziun dils trenaments dils juniors e las junioras. Miez mars ein ils taluns d'annunzia vegni reparti el consorzi da scola Trun/Sumvitg sco era scret ora el «Fegl uffizial Surselva». Era eisi vegniu schau ir in mail a tut ils participants dils davos onns. Nus vein retschiet totalmein 11 annunziars per il cuors dils kids. Nus vein giu uonn puspei bia annunziars per la gruppa da «Kids», quei che ha fatg grond plascher a mi. Jeu sperel naturalmein fetg da puspei saver beneventar ils participants e las participantas e speranza era certs collegs ni certas collegas dad els il proxim onn.

Igl emprem trenament ha giu liug per tut las gruppas ils 27 d'avrel 2022.

Ils kids ein vegni trenai da Tajana Pfister e Simon Lechmann la mesjamna suentermiezdi dallas 17:00 tochen las 18:00. Suenter siat trenaments han ils affons dau la otgavla ga in pign turnier da finiziun che nossa menadra e sias gidontras han pinau tier e menau atras cun fetg gronda premura.

Il club da tennis ha survegniu per il trenament da juniors e junioras dad 11 - 18 onns deplorablamein mo ina annunzia.

In grond engraziament per il grond engaschi e la fetg buna ed impurtanta lavur en favur da nossas junioras e nos juniors less jeu far alla Tajana. Las junioras ed ils juniors ein il futur da nies club e senza la lavur ed igl engaschi dad ella vess ei buca saviu dar in cuors da tennis egl onn 2022. La tscheina da finiziun ha giu liug ils 18 da november 2022 el restaurant „Da Stefano“ a Trun. Nus vein saviu guder ina buna tscheina cun bunas discussiuns e bia leghers muments en

ina emperneivla atmosfera. Jeu quetel ch'igl ei fetg impurtont da sustener las differentas interpresas dil vitg, aschia che nus essan aunc stai ella „Alpha Lounge“ per in dessert.

Interclub da juniors/as

Igl onn 2022 havein nus deplorablamein saviu annunziar negina gruppa pli pigl interclub da juniors e junioras.

Cader regional

Igl unviern 2022/2023 ha ei dau negin cader regional.

Camp da tennis

Il tennis camp Surselva ei vegnius menaus atras duront la stad duas gadas ella regiun Surselva. Giugadurs entscheviders ni pli avanzai ord l'entira regiun san separticipar al camp. La responsabladad per il camp ha Roger Lang cun Kent Giger e lur gidonters giu. Igl emprem camp ha giu liug dils 01. – 05.08.2022 a Mustér cun 11 participonts. Il secund camp ha giu liug ils 8 - 12.08.2022 a Glion (12 participonts) ed a Trun (10 participonts).

Cuors da menaders e menadras J & S

Cun grond plascher hai jeu astgau annunziar la Tajana Pfister per far in cuors da menaders e menadras da «J & S». Igl ei fetg bi e secapescha bu da sesez ch'ins pren il temps e s'engascha per in club e per nos giuvens e nossas giuvnas. Jeu hai giu grond plascher dad astgar accompagnar la Tajana a quei cuors ch'ei vegnius organisaus da «SwissTennis» ed ha giu liug ils 24 – 28-08-2022 a Tenero. Nus vein astgau passentar in per fetg bials dis cun in plein program el Tessin. Igl ei stau in fetg intensiv cuors cun fetg buns menaders ed emperneivels participonts dall'entira Svizra. Nus vein saviu emprender e profitar enorm enteifer quels dis, aschi bein ella teoria sco era ella pratica. Nus empruein en tutta cass da metter entuorn tut quei che nus vein empiru en ils trenaments da juniors e da dar vinavon il plascher e la passiuon da dar tennis.

Program per la proxima sesiun

Per la sesiun 2023 ein ils trenaments da juniors e junioras puspei previ sco tochen dacheu. Igl ei aschia che negina gruppa vegn a separticipar questa sesiun agl interclub da juniorse junioras. Igl ei buc aschi sempel da tener ils participonts e las participontas dils cuors da tennis suenter la vegliadetgna da KIDS tier il giug da tennis. Quei ei en tutta cass ina sfida per il futur da puspei ina ga saver metter ina gruppa dad Interclub da juniors ed jeu sun motivaus da s'engaschar per nos giuvenils e da saver contonscher quella finamira.

Ils camps da tennis Surselva han liug ils 31 da fenadur tochen ils 4 d'uost a Mustér ed ils 7 tochen ils 11 d'uost a Tavanasa e Glion. Jeu vegnel bugen a dar vinavon ulteriuras informaziuns ed il flyer aschi spert sco pusseivel a tut quels che han interess. Ei fagess plascher sche aschi bia affons sco pusseivel fan diever da quella interessanta purschida, quei ei segiramein egl interess da tut ils clubs da tennis da nossa regiun.

Jeu sun naturalmein era bugen aviarts per damondas, criticas ni bunas propostas ed ideas sco ins savess sliigar ina ni l'autra situaziun, vus astgeis bugen prender si contact cun mei sche quei ei il cass.

La Tajana vegn vinavon a trenar nos juniors e nossas junioras ed jeu vegnel a sustener ella sco tochen da cheu aschi bein sco pusseivel.

Tuttina essan nus adina puspei alla tscherca da trenaders, cunzun per ils juniors. Igl ei fetg impurtont d'anflar persunas ch'ei promptas da trenar nos pigns e giuvs ch'ei il futur dil club. Jeu selegrel da mintgin che s'annunzia tier mei sch'el ha interess da daventar trenader.

5. RENDAQUEN

a) quen annual

Nies cassier Yannick Pally presenta il quen e la bilanza per ils 31.12.2022. Cun in total d'entradas da frs. 23'127.49 ed in total d'expensas da frs. 24'085.95 siara il quen cun ina sperdita da frs. 958.46.

Il president engrazia al cassier per la fetg buna ed exacta lavur.

b) Il rapport dils revisurs

Las revisuras Lea Alig e Petra Duff han revediu il quen annual digl onn 2022. Petra Duff sa comunicar ch'il quen ei vegnius menaus schuber e bein e che tuts mussaments necessaris ein avon maun. Il quen vegn approbaus.

6. ELECZIUNS

a) president

Nies president Ramun Venzin stat vinavon a disposiziun per il post da president. L'actuara Carmen engrazia ad el per tut la lavur prestada en favur dil club da tennis. Ramun vegn elegius unanimamein per in'ulteriura perioda d'uffeci da 2 onns.

b) actuar/a

Carmen Bearth sedeclara prompta per in'ulteriura perioda. Carmen vegn elegida unanimamein.

c) meinaturnier e meinagiug

Simon Decurtins ha abdicau sco meinaturnier e meinagiug. Ramun engrazia a Simon per tut la lavur ch'el ha fatg per il club da tennis Trun. Ils presents applaudeschan. L'actuara surdad a Simon in present.

Luis Caduff ei sedeclaraus prompts da surprendre il post, el vegn denton a delegar ils turniers sin differentas persunas. Luis vegn elegius unanimamein.

d) cau/a da juniors

Simon Lechmann e sedeclaraus prompts per in'ulteriura perioda d'uffeci. Simon vegn elegius unanimamein.

e) revisur/a da quen

Lea Alig vegn reelegida per in'ulteriura perioda da 2 onns.

7. HONORAZIUNS

Persunas che han prestau bia per in club vegnan honoradas per lur merets. Erich Decurtins ei staus 4 onns president, 8 onns meinagiug, 10 onns meinaturnier, 3 onns cau da juniors, 2 onns cauplaz e 5 onns gidonter dall'organisaziun dil lotto. Per tut sia gronda lavur fa la suprastonza la proposta da honorar nies commember Erich Decurtins per tut quei ch'el ha prestau per il club da tennis Trun. Ils presents fan in grond applaus. L'acutara surdat ad Erich in bucal cun engravau il num ed il tetel commember d'honor. Nies niev commember d'honor pren il plaid ed engrazia grondamein per quella nominaziun. El ha fetg grond plascher da quei tetel.

8. OBLIGAZIUNS

Tenor la proposta da nies commember Venanzi Nay vegn la tractanda "obligaziuns" amplicada. Venanzi Nay fa la damonda tgei obligaziuns che persunas che dattan Interclub cul club da tennis Trun hagien. Han talas era da pagar ina contribuziun? Ils presents han endamen en caussa e vegnan buca tier ina conclusiun. La suprastonza vegn a far patratgs en caussa e ver endamen quei en ina sesida da suprastonza.

9. MUTAZIUNS

Entradas: Fabrizio Della Valle

Fabrizio vegn prius si el club unanimamein.

Extradas: Andrina Giger, Laura Giger, Eduard Hintermüller, Werner Manetsch, Fidel Quinter

10. FIXAZIUN DALLAS CONTRIBUZIUNS ANNUALAS

a) annualas

La suprastonza fa la proposta da schar las contribuziuns annualas sco tochen dacheu. Persunas singulas frs. 140.00, conjugals frs. 230.00, juniors 16-18 onns frs. 80.00, juniors 7-15 onns frs. 35.00, inactivs e passivs frs. 30.00.

b) affitaziun dils plazs

La suprastonza fa la proposta da far neginas midadas tier l'affitaziun dils plazs. La contribuziun per hosps munta frs. 7.00 per persuna, denton maximal frs. 14.00 per plaz per ura.

11. DAMONDAS DA PAGAR ANAVOS QUOTAS DA FATSCHENTA

Nies cassier ha tratg ord la capiala la numera 46 Theo Sacchi e la numera 33 Marianne Wyss. Il president pren si contact cun quellas persunas.

12. ORIENTAZIUN LOTTO

Suenter 2 onns havein nus puspei saviu menar atras il tradiziunal lotto. Il lotto digl onn 2023 ei staus in fetg grond success e nus havein fatg quella sera in gudogn da 16'544.69. In cordial engraziament al comité da lotto per sia grondiusa lavur. Nus engraziein era a tuts che han segidau sin ina ni l'autra moda la sera da lotto. La responsabla dil lotto - Silvana Guldemann ha dau giu siu post. Il president engrazia ed ella per la lavur prestada e surdat alla Silvana in matg fluras.

Il comité da lotto ei uss sin la tscherca dad ina nova persuna per il tgamun. Igl ei buca sempel d'anflar enzatgi che less trer il car, nus fussen denton leds ed engrazieivels sche nus savessen quintar cun vies sustegn.

13. PROGRAM / TERMS 2023

Simon Lechmann orientescha davart il program ed ils terms per la sesiun 2023.

14. VARIA

Il president orientescha ils presents ch'ils plazz da tennis ed il contuorn vegnan preperai l'entschatta avrel.

Il president engrazia a tuts per lur preschientscha e siara la radunonza cun giavischar a tuts aunc ina biala sera. Silsuenter vegn offeriu in pign puschegn.

Pil club da tennis Trun

L'actura

Carmen Bearth-Albin